

GEMEENTEBULLETIN

17 JULIE 2020



EREDIENSTE OP 19 JULIE – ALMAL AANLYN

Oggend-en-gesinsdiens

| Konings 2:1-12 | 'n Lewe met betekenis | Ds. Callie Visagie

Meditatiewe diens

| Konings 2:1-12 | My plek in hierdie wêreld | Ds. Philipp Dietmann

Relevant-diens

Deconstructing faith | Ds. Hanno Ackerman

KYK aanlyn vanaf 06:00 Sondagoggend en enige tyd daarna na die opnames van bogenoemde eredienste op www.stellenberg.co.za, of op die Youtube-kanaal.

LUISTER na die klankbaan van die oggenddiens op die webwerf.

LEES die geskrewe oggenddienspreek op die webwerf.

AANPASSING VAN EREDIENSTE

Tydens vlak 3 van inperking word kerkbyeenkomste met beperkte bywoning weer toegelaat en in die lig daarvan is eredienste op 5 en 12 Julie 2020 in die kerkgebou aangebied. Na aanleiding van die landwye skerp styging in die Covid-19-infeksiesyfers wat tans ondervind word, asook die beduidende ongemak van heelwat lidmate om groepbyeenkomste by te woon, het die kerkraad en leraarspan besluit om eredienste in die kerkgebou vir eers, tot verdere kennisgewing, op te skort. Ons vertrou dat ons eersdaags en onder veilige omstandighede weer die samesyn van 'n gemeenskap van gelowiges sal kan beleef. Intussen sal al drie eredienste (soos hierbo uiteengesit) nes voorheen vanaf 06:00 Sondagoggende en enige tyd daarna, aanlyn op dié webwerf en die YouTube-kanaal beskikbaar wees. Kyk gerus na die eredienste op 'n dag of tyd wat jou pas. Neem vrymoedigheid om leraars in die verband te kontak.

GEDAGTES VIR ELKE DAG VAN INPERKING

Nou ook in 'n stemboodskap.

Die geestelike dagstukke kan voortaan elke dag as 'n stemboodskap wat deur 'n leraar opgeneem is, geluister word, of jy kan steeds soos voorheen, die geskrewe boodskap lees. Die geskrewe boodskap, asook die stemboodskap is daaglik op www.stellenberg.co.za onder "Gedagtes vir elke dag" of op die gemeente se Facebookblad beskikbaar.

HULP@STELLENBERG.CO.ZA

Indien jy hulp (fisies of geestelik) benodig tydens die inperking, of graag hulp wil aanbied, stuur asb. 'n e-pos aan aan bg. adres of kontak ons leraars telefonies.

ASEMSKEP-GEBEDSBYEENKOMS

Skakel via ZOOM by ons weeklikse gebedsbyeenkoms om 18:30 op Dinsdagaande in. Almal is baie welkom om deel te neem.

Gebruik die skakel om by die byeenkoms aan te sluit:

Meeting ID: 766 6351 8687

Pass code: 550c3P

HANDSAKKE VOL HOOP

Op 9 Augustus vier ons Vrouedag en vanjaar wil ons graag 'n verskil in die lewens van hawelose vroue maak. Daarom wil ons graag aan hawelose vroue in ons omgewing elkeen 'n handsak vol bederfgeskenke gee.

Neem 'n handsak (oud of nuut) en pak asb die volgende items daarin:

Deodorant, sneesdoekies, 'n kam/borsel, handreinigingsmiddel, handerूम, sanitêre produkte, lipstiffie of lipsalf, 'n serp of mus, 'n notaboekie en pen en 'n sjokolade.

Gee asb. die handsak voor 14 Augustus by die kerkkantoor af. Ons sal die handsakke in samewerking met die MES-kantoor in Bellville uitdeel.

Kom ons bring 'n bietjie vreugde in die lewe van vrouens wat dikwels aan baie swaarkry blootgestel word.

VOEDSELHULP

Voedselhulp in samewerking met verskeie nieregeringsorganisasies, asook met ons medewerkers in verskillende gemeenskappe, bly een van die gemeente se hoogste prioriteite. Voedsel word tans weekliks in Wesbank, Khayelitsha en Ysterplaat versprei.

Indien jy tot die uitgebreide voedselbediening wil bydra, kan jy 'n elektroniese oorbetalingsrekening na ABSA-tjekrekening 145 058 0011, takkode 632005, maak. Gebruik *hande en rande* as verwysing.

Ons benodig steeds **sopkokers**. Indien jy bereid is om weekliks 'n pot sop te kook, kontak asb. vir Anène Nortier by 083 581 6930.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Die sentrum is gesluit, maar Rudolph van Schoor, sentrumbestuurder en lewensafrieter, is beskikbaar by 082 854 4530.

HET JY 'N PREEK MISGELOOP?

Kliek op die eredienste-blokkie op die webwerf en dan op die YouTube-skakel om die argief van al die opnames van preke te bereik.

GEDAGTE VIR DIE DAG

Die geestelike dagstukke kan daagliks as 'n stemboodskap wat deur 'n leraar opgeneem is, geluister word, of jy kan steeds soos voorheen, die geskrewe boodskap lees. Die geskrewe boodskap, asook die stemboodskap is daagliks op www.stellenberg.co.za onder "Gedagtes vir elke dag", of op die gemeente se Facebookblad beskikbaar.

Indien jy graag na die stemopname op jou slimfoon wil luister, stuur asb. 'n *WhatsApp* met jou naam + stemboodskap na 083 611 4720.

Jy sal dan op die verspreidingslys geplaas word en die stemboodskap daagliks op jou selfoon ontvang.

AANLYN SAMARITAAN-ADVERTENSIEBLAD

Besoek gerus die nuwe aanlyn Samaritaan-advertensieblad op www.stellenberg.co.za. Die blad bied aan entrepreneurs, of eienaars van kleinsakeondernemings die geleentheid om dienste en produkte teen bekostigbare tariewe te adverteer. Werksgeleenthede en bekostigbare blyplekke word ook geadverteer. Rig navrae aan sanel@stellenberg.co.za.

BYBELSKOOL | PAULUS SE BRIEWE

Skakel in by ons Bybelskool om meer te wete te kom van Paulus se vroeë lewe, sy radikale bekering en sy bediening wat daarop gevolg het. Daar is 'n hele paar interessante feite oor dié legendariese geestelike leier.

Besoek www.stellenberg.co.za. Op die tuisblad is 'n Bybelskool-blokkie. Klik daarop om toegang tot die Bybelskoolblad te verkry. Daar kan jy na ds. Marius Breytenbach se aanbiedings kyk en ook die handleidings met bykomende leesstof aflaai.

Sessie 1 en 2 is reeds beskikbaar. Nuwe materiaal word elke Dinsdag bygevoeg.

PROJEK SAMARITAAN HULPLYN

hulp@stellenberg.co.za

NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos deur jou e-posadres aan sanel@stellenberg.co.za te stuur.
- Sluit by die WhatsApp-groep aan om die bulletin en die skakel na die oggenddiens op jou selfoon te ontvang deur jou naam, van en selfoonnommer na 083 611 4720 te stuur.

GEBEDSVERSOEKE

Stuur jou gebedsversoeke (anoniem indien jy dit verkies) na navrae@stellenberg.co.za.

TERUGVOER OOR FINANSIES

Ons sê graag weer dankie aan elke lidmaat wat steeds 'n bydrae maak om die gemeente se wiele aan die rol te hou. Soos voorheen gekommunikeer, is alle gemeente-uitgawes tot op die been gesny en 'n gewysigde begroting, gegrond op 'n verwagte inkomste van sowat 66% van die aanvanklike begroting, is aanvaar. Die volgende inligting word verstrek om meer lig te werp op die hersiene begrotingsbesluite:

- Geen personeellid is sover afgelê nie. Jaarlikse verhogings, asook dertiende tjeks vir alle personeellede is opgeskort. **Personeel sal maandeliks 80% van hul normale vergoeding ontvang.** Die bogenoemde ooreenkoms met die personeel duur vir die boekjaar wat in Februarie 2021 eindig.
- Die grootste verlies aan inkomste is die **R2,25 miljoen van die feesmark**, aangesien die mark nie aangebied kan word nie.
- Die kerkraad sal deurgaans, soos nodig, aanpassings maak.
- In die hersiene begroting is bereken dat 30% van die bankkollekte en 100% van die maandelikse dankoffer ontvang behoort te word. Tans beloop die insameling kumulatief soos volg (vanaf begin Maart):
 - ◇ Bankkollekte: Totaal van R230 035. Dit is R16 195 meer as wat in die aangepaste begroting voorsien is en 'n tekort van R136 629 op die aanvanklike begroting.
 - ◇ Maandelikse dankoffers: Totaal van R1 938 149; dus R110 877 meer as begroot in die aangepaste begroting.
 - ◇ Totaal van genoemde twee insamelings toon dus slegs 'n R25 752 tekort op die oorspronklike begroting van 2020-'21.

LERAARS

Ds. Hanno Ackerman

079 543 5261

hanno@stellenberg.co.za

Ds. Marius Breytenbach

082 376 6053

marius@stellenberg.co.za

Ds. Philipp Dietmann

084 354 0729

pdiemann@gmail.com

Ds. Why Duvenhage

082 570 5931

why@stellenberg.co.za

Ds. René Potgieter

079 893 8104

rene@stellenberg.co.za

Ds. Callie Visagie

072 385 4368

ctvisagie@

stellenberg.co.za

Stellenberg

Ondersteuningsentrum (SOS)

Rudolph van Schoor

Sentrumbestuurder

082 854 4530

rudolph@stellenberg.co.za

FINANSIËLE BYDRAES

Debietorder

Laai die aansoekvorm van die webwerf af.

EFT-betaling

Dit kan oorbetaal word na ABSA-tjekrekening
145 058 0011,
takkode 632005.

SnapScan




Kontantbydraes – plaas in die posbus


Diegene wat verkies om hulle bydraes kontant te gee, kan steeds kontantbydraes by die kerkkantoor afgee. Daar is 'n beveiligde posbus by die voordeur van die kerkkantoor. Plaas jou bydrae daarin. Die posbus word daaglik leeggemaak.

DANKOFFERS EN BANKKOLLEKTES

Bankkollektes



Dankoffers



STELLENBERG-GEMEENTE

www.stellenberg.co.za

Kerkkantoor

021 976 4519

navrae@stellenberg.co.za

Die kerkkantoor is weksdae, vanaf Maandag tot Vrydag tussen 08:00 en 13:00 oop.

Met die oog op Covid-19-protokol, versoek ons besoekers om waar moontlik nie die kantoor te betree nie. Pakkies kan by die voordeur se hek, op die stoep, gelaat word. Ons sal dit daar in ontvangs neem.

Doen sover moontlik asseblief telefonies tussen 08:00 tot 13:00 navraag oor sake of stuur 'n e-pos na navrae@stellenberg.co.za.

Straatadres

h.v. Moutain View-rylaan en Edelweissweg, Eversdal, 7550